

呂祖全書

乙巳仲冬
萬德至善社重刊

呂祖全書諸咒小序

自竺典譯於震旦。而佛咒鄴傳。玉笈萃於蘭臺。而仙咒
廣播。由來尚矣。然佛咒類皆梵音。不同華言。字義亦
莫可曉。惟人一心持誦。自獲靈通。歷化法師。謂之祕
密不翻。至於仙經所載諸神咒。如斗姥雷祖諸經。間有
梵音。亦不多見。其餘則皆四字成文。體類風雅。或淨
身心。或祛邪魔。或解疾厄。或禳星斗。各指一事。有
韻可叶。有義可通。非如佛咒祕密難解。其言約而該。
其旨切而要。蓋撮一經之真諦。而以簡括摘辭。故別於
經曰咒。咒者祝也。祝之於神。以希默佑。又咒者願也
。所願從心。靡不成就。又名真言。謂其言之真實不虛
。欲人堅心受持也。昔觀音大士白佛言。若人誦持大悲

神咒。於現在生中。一切所求。若不果遂者。不得名為
大悲心陀羅尼。今余於呂祖咒亦云。但辨誠心。罔不響
應。

呂祖全書卷二十二

太上說呂祖斗光度厄護命大神咒

爾時太上道君。於下元甲子丙寅之歲。正月十五日。在
太清仙宮。同諸仙聖衆。講說無極太極。至上至真。度
人妙法。觀見衆生。於閻浮世界。受諸苦惱。晝夜相煎
。致身墮劫。不肯回心向善。凡遇歲度。自生阻節。小
則營謀不遂。疾病官非。田蠶虛耗財物破傷。人口不安
。盜賊侵害。如此等苦。種種不祥。大則五瘟來染。八
難臨身。刀兵殺傷。毒藥自縊。墜落崖塹。橫喪暴殂。
爲天雷之所擊誅。爲水火之所溺焚。爲凶人之所刺害。
爲虎狼之所吞噬。爲牢獄禁錮而死。爲邪鬼侵犯而亡。
或少年夭折。或天數未盡。冤魂牽纏。種種惡報。墮於

地獄。受諸苦楚。轉生畜類。永不復人。皆因浮生不忠不孝。無義無仁。貪愛物欲。喪滅身寶。肆恣奸詐。自利損人。心如蛇蝎。機謀不了。雖明則漏乎刑誅。而幽則難逃乎神殛。是以慈悲利益。普示度濟妙法。衆生自宜悔悟。各思已躬所造輕重罪過。急向諸天諸地。南北星辰。三官四聖之前。至誠首謝。無敢再犯前愆。於每月朔望。及三九之日。乃呂祖純陽帝君。下臨人間。徧尋善惡。申奏上帝。定人果報。若有善信男女。當於是日。與每歲本命六度之期。切須虔誠齋戒。持誦仙經。滌愆謝過。自得安樂。不受諸苦魔障。世人於本命六度。各有所管之神。當於本命之日。虔誠頂禮。獻花酌水。隨時辦果。陳設威儀。或誦南北斗經。或課仙典。然

點北斗九皇星燈。敬持斗光度厄護命大神咒。可救危急。
。可解諸愆。生則無苦惱。沒則不輕地獄。逕生天堂。
得大快樂。世人每於九度明暗之期。多生痛楚。甚至性
命難全。能於陽九之日。齋沐禮誦仙經。無災不滅。無
福不崇。又何慮明暗九度之災。但宜志心悔過。依期投
謝。即有感應如響。無有差失。若有善信男女。雖懷信
心。不能自持。可命正真道士。代行表章。如式修奉。
亦可不虛六度之辰。是大神咒。若人自持。一七遍。或
二七遍。或三七遍。以至積誦百千萬遍。其功德力。莫
可稱量。莫可等倫。即說大神咒曰。天地相生。聚氣成
形。陰陽既合。奚古奚今。綿綿祖炁。來續我身。肝爲
魂府。肺乃魄寧。脾乎乎膽。賢交於心。五臟如命。六

腑咸聽。三百六十骨節。節節光榮。八萬四千毛竅。竅
通亨。血不闕音積。脈自周行。惟耳爲聰。惟目爲明。
。口司五味。鼻判臭馨。手肢運轉。足脛動輕。靈光覆
照。元神齊欽。星辰朗耀。運度和平。南極北斗。東垣
西神。中天星主。紫微帝君。二十八宿。三台七星。九
曜二德。太陽太陰。擎羊陀羅。罡星指輪。本命降度。
部落神丁。二運三限。正照旁臨。區別分野。統御人羣。
。發乎萬物。品彙歸根。渾符八卦。演布宮禽。在天成
象。在地成形。在人身中。羅列分明。慧光所照。享吉
利貞。夙生今劫。罪障愆因。憑道斯力。洗滌潔清。安
敢再犯。上辜帝恩。一切苦難。悉賴光明。照我身體。
臨我心神。性光早見。精邪潛奔。天神擁衛。凶煞遁形

。五星如舍。無患無侵。使我壽命不斷。枯槁更生。化而復育。舊而重新。如彼江河。汪洋自運輪。如彼天上日。不虧而恒盈。如彼月中兔。常搗其餌靈。如彼洞中樹。歲歲得長春。洪恩溥博。浸灌滋生。一身通泰。諸願從心。災祟即滅。福祿來增。凶穢悉蕩。吉曜合併。虛無正炁。斯成我真。即父即母。再養我身。降斯法旨。保命護形。今遵元皇大道科律奉行。急急如律令。道君說大神咒已。復告諸天聖衆曰。是大神咒。能解一切危厄。能消一切大災。退一切重病。能遠一切惡人。能伏一切魔道。能降一切猛獸。能除一切苦惱。若或有人。於每月朔望。及三九之日。敬持呂祖純陽帝君齋戒。念此大神咒回心向道。悔過蕩愆。即感帝君化度。善神

護身。遇諸險難。即得救解。如斯功德。無量無邊。諸
天諸仙。聞是度人妙法。皆大歡喜。同聲讚歎。作禮而
退。

太上勅演呂祖救劫證道經咒

爾時玉皇大帝。於庚寅上元之夕。駕五色雲龍。放無極
光明。領諸天聖衆。浮遊三界。遍照十方。還於綠波碧
林之苑。陞九龍音曲玃音玃之牀。冥目端儀。經一晝夜。
左右羣仙聖衆。俱各心口默寂。帝忽九竅生光。萬毫騰
彩。頂現慶雲。旋繞週身。諭諸天帝。各還宮府。獨詔
孚佑帝君。汝歷劫數。修持大道。已獲九九之祕。不遭
六六之侵。今已身入金闕。位列左輔。凡諸至道。汝其
悉言。於是孚佑帝君。端簡趨陛。伏告上帝。臣自遯跡

終南。栖心無上。魔端萬種。大道難聞。修持未彫音。
幾得復失。况夫道者。擴之包乎天地。收之攝於毫末。
千語萬言。萬竟其端。片章寸簡。可通其微。無滅無生。
常留今古。若沒若顯。廣度天人。投其旨趣。可階仙阼。
得其精微。遂成妙果。是故元陽之初。萬德潛形。天
蘊其寶。地藏其精。混混無象。湛湛何名。皦音得之清。
。橫音得之靈。日得之光。月得之明。人物得之而長養。
。草木得之而敷榮。山得之而永奠。川得之而長平。合
無可合。分無可分。先天授之。各繼其靈。體虛無之自
然。啓浩劫之蒙屯。二之而陰陽具其對偶。四之而老少
安其序倫。迭週四時。潛運五行。和其雨露。怒則雷霆
。至道彰彰。一陽之精。玉帝復謂之曰。如汝所言。至

道在處。天地日月。人物山川。無不體戴。無不承受。何以朕昨上元之夕。觀見十方國土。黑黯昏迷。毒氣流行。光明徹處。十無一二。此何以故。汝爲宣言。孚佑帝君。上奏帝前。下方人民。其生之初。形肖天地。體備陰陽。秉離之氣而爲心。離屬於火。火光炎炎。故能昭融。受坎之氣而爲腎。坎屬夫水。水勢浩浩。故能流通。流通則易至散漫。昭融則易至昏翳。於斯制焉。休生縱逸。夫水火雖尅制相刑。而離中之陰。已包乎坎。坎中之陽。已統乎離。其未交之初。如月之妙音。既交之後。如寶之玲音。交之有時。不分子午。守之有要。緊閉幽闕。似的在射目。不中其心而不已。靈垂荷葉。不結其珠而不休。子開以取其陽。午進以避其陰。夫如

是。離中之陰翳潛消。坎中之陽德上濟。是水火交矣。水火交而陰陽合。陰陽合而天地以成。便是永固之身。克證無上之果。非藥非汞。乃性乃神。奔世道寢衰。人心離亂。嗜慾日固。私智日鑿。君臣父子。各失倫藝。奸盜邪淫。弛逞兇頑。不聞片善。專恣惡孽。糾察神員。鱗集罪案。三尸疊奏。錄成果報。或於生前之時。遭牢獄枷鎖之牽纏。水火刀兵之刦殺。幽則陰司拷魂。顯則雷部震屍。春夏秋冬。傳染瘟疫。夫妻子母。疊受災殃。皆是正教不興。曲學爭起。人迷其宗。以遭塗炭。間有一二修行之士。或受左旁牽引。妄毀正教真宗。以故真佞之道。習俗波靡。清虛之理。隨日休替。凡諸天人。無不慟心疾首。玉文靈符。難解冤愆。此黑暗之所

由起。毒氣之所流行也。玉帝聞言。蹴然色變。復謂帝君。有此黑黯流毒。何日止息。若無止息。愈溺愈深。真宗永失。至道難聞。生人致孽。羣浩苦惱。如此苦形惡狀。朕不忍觀。汝可廣宣大化。普濟羣迷。收此黑毒。澄清宇內。道法欽揚。天人咸賴。於是孚佑帝君。復拜上奏。黑黯是兇穢之所鼓動。流毒是慘氣之所結成。慾海無邊。孽根堅固。非有靈章。難生解免。夫此章者。臣昔受之於長生大帝。長生大帝。受之於太上道君。其章有四。功德無邊。知之者超昇七祖。克證仙鄉。叅之者即通妙道。咸沾利益。持之者神仙擁護。隨所願遂。聞之者災難不萌。吉祥永佩。所有靈章。謹爲宣誦。

天微章第一

稽首_音皈_音天主。元和遍十方。大慈悲。救苦難。唵唎哪

唎。囉吽哆。氤_音嘛娑訶。

常有大神通。亨達普昭靈。大慈悲。救苦難。唵唎哪

。囉吽哆。氤嘛娑訶。

迭運歷今古。普濟於羣生。大慈悲。救苦難。唵唎哪

。囉吽哆。氤嘛娑訶。

聖慧顯真宗。清明永固持。大慈悲。救苦難。唵唎哪

。囉吽哆。氤嘛娑訶。

地真章第二

稽首后土君。黃閣面靈臺。大慈悲。救苦難。唵。嗎_音

唎哆。都堵_音囉。靈_音窆_音娑訶。

仰承太上力。厚以為本根。大慈悲。救苦難。唵。嗎唎

哆。都堵囉。靈寥娑訶。

山河永固奠。無洩亦無傾。大慈悲。救苦難。唵。嗎唎

哆。都堵囉。靈寥娑訶。

靜存而默鎮。至德衛佺靈。大慈悲。救苦難。唵。嗎唎

哆。都堵囉。靈寥娑訶。

證仙章第三

太虛仙之體。稽首禮真師。大慈悲。救苦難。唵。哪哩

吽。蘇唎哆。陀密娑訶。

一乘開覺路。黃房育嬰兒。大慈悲。救苦難。唵。哪哩

吽。蘇唎哆。陀密娑訶。

不爲羞生死。立志守恆河。大慈悲。救苦難。唵。哪哩

吽。蘇唎哆。陀密娑訶。

日月亘其光。天根萬刳磨。大慈悲。救苦難。唵。哪哩
吽。蘇唎哆。陀密娑訶。

體道章第四

自一分佞後。太極合陰陽。大慈悲。救苦難。唵。𡗗高音

靈陀。蘇唎哆。嘛唧娑訶。

開天成地軸。四時五行藏。大慈悲。救苦難。唵。𡗗高音

靈陀。蘇唎哆。嘛唧娑訶。

黍珠懸似月。照徹八千場。大慈悲。救苦難。唵。𡗗高音

陀。蘇唎哆。嘛唧娑訶。

常以清淨心。稽首禮法王。大慈悲。救苦難。唵。𡗗高音

陀。蘇唎哆。嘛唧娑訶。

玉帝聞說章畢。慶雲燦處。啓十七明。而說偈曰。化起

從一陽。散珠於天地。誰全龍虎功。能將坎離備。金童弱而脫。玉女嬌而媚。羣魔食寶珠。萬鱓音察竊奇貝。永墮於艷獄。何殊於異類。純陽真功德。普化普羣迷。靈章闡祕奧。至道不偏遺。天門從此開。幽戶永不閉。流傳超生死。三教咸依歸。說偈已畢。即命傳奏等神。遍詔十方聖衆。諭以靈章微妙。悉受法音。更詔文昌帝君曰。汝職司貴祿。開化九天。可浮遊三界。遍覽十方。清淨壇宇。嚴密道筵。將此靈章。流演於世。人間善男信女。道士比丘。或遇五臘三元。或於三九三七。隨力燃燈燒香。端拜課誦此經。朕則遣有五部雷神火帥官衆。護衛誦經。赦一切罪。解一切厄。拔離諸苦。隨所願遂。汝可欽承。廣宣元化。於是孚佑帝君。文昌帝君。再

拜稽首。作禮而退。勅下三元。諭諸宮府。信受奉行。
救苦難神咒

至心皈老祖。求脫人間苦。疾病無纏綿。安寧天擁護。
十千十二支。二十八宿主。天神玉女聞。盡皆降吾杵。
寶劍自光芒。殺斬妖敢阻。葫蘆貯靈丹。度盡凡夫苦。
牢獄枷鎖災。水火竝瘟_{母音}。刀兵急厄臨。路中逢險阻。
。一切苦相箠。持此化成土。隨念隨時來。降我吉星輔。
。過去盡生方。見存賴恩主。一聲誦永靈。全家伏龍虎。
。有此聖靈章。萬魔咸束首。太上呂真君。急急如律令。
勅。

滌氛神咒

三界如牢獄。衆生如癰瘡。欲拔一切苦。願作大醫王。

太極先天。混沌大千。兩儀彌漫。三界渾然。萬神受命。
。一炁綿綿。哀愍衆生。性被慾牽。機巧變詐。忍爲不
賢。諸神震怒。運劫歷年。水旱瘟疫。滌狄音蕩塵寰。噓
聲遍野。孽氛叢煙。太乙救苦。聖念惻惻。週行宇宙。
無不垂憐。設教闡經。如駕法船。帝德好生。天語傳宣。
。衆等諦聽。免墮孽淵。是大經咒。慧日高懸。無處不
照。晃朗虛玄。若有男女。一念頓專。或誦十遍。或百
千遍。縱有孽冤。不敢相纏。魑音痴魅魍魎。跡遁形潛。
藻鑑善心。不被惡遷。地獄縱闊。我念無偏。明衣潔體。
無有閒斷。如此恒持。乃可登仙。